



Selasa, 01 Oktober 2024

Ogen: Jop 5:24-27



Cawir Metua



Salah sada tradisi si penting ras ndatken sada ingan si istimewa i bas budaya Karo e me cawir metua. Cawir metua ertina tanggungjabap orangtua enggo kuh, enggo dung kerina dahinna, enggo sempurna jadi orangtua. Kune orangtua e mate, ibahan adat cawir metua. Pengakap kalak Karo, kematen i bas umur si gedang patut irayaken, erkiteken kalak e nggo ndungi dahinna i doni janah nandangi ersada ras nini-ninina ndube. Kai kin dahin si enggo idungina i bas doni enda? Enggo dung dahinna nekolahken ras mpejabuken kerina anak, nggo lit kempuna ntah entena (cicit).

Emaka cawir metua salah sada perayaken i bas kalak Karo sabap e jadi sada kesangapen man bana. Sendalanan kerna si e, i bas Pustaka Si Badia, Masmur 128: 6 ikataken man kalak si malang man Tuhan, cawir me ia metua maka sempat idahna kempu-kempuna. Jadi pемasmur pe ngidah maka kalak si cawir metua iidahna kempu-kempuna. Terbagesen pengertin cawir metua ituriken i bas ogenta sendah e meselamat dengen geluh dame. Teman Jop, si Elipas mindo penampat man Dibata dengen nuriken kesusahenna man Dibata i bas situasi ras kondisi si inanami Jop. Sabap i bas Dibata nge ngenca maka kalak banci selamat ras nggeluh alu dame. Kegeluhen i bas Dibata ngenca erbansa maka cawir metua.

Erpalasken renungenta enda, bujur nge maka cawir metua e jadi perayaken. Labo kepe terjeng dung dahin entah tanggungjawab, labo ka terjeng umur si gedang ras ngidaha kempu-kempu tapi i bas umur si gedang e lit ka je geluh dame dengen ngaloken keselamatan. Idahna kempu-kempuna ope ia mate, malem atena. Alokenna ka keselamatan i bas Dibata nari malem atena.